

欽定古今圖書集成

方輿彙編職方典



欽定古今圖書集成方輿彙編職方典

第七百六十三卷目錄

揚州府部彙考十一

揚州府物產考

職方典第七百六十三卷

揚州府部彙考十一

揚州府物產考

府志

穀屬

黃桂

烏節

唐書地理志揚州貢黃桂

米及烏節米

大香秬

小香秬

班秬

小赤秬

小白秬

龍爪秬

六月秬

齊梅秬

蘆桿秬

葉裏秬 麻筋秬 大鵝秬 揚州山田

多宜秬故秬稱早稻始占城有此種宋大中祥

符五年聞其耐旱遣使求其種二萬斛分給江

淮間漕司令民擇田高者藝焉因名占稻

泰州紅 又名海陵紅按漢書揚州有桃花米

卽此種

麥屬

麩麥

晚麥

淮麥

短桿 以上皆大麥詩所謂牟也宜為飯又可

為酢其蘖可為餈

春麥

短管

赤鬚

蘆麥

北麥

以上皆小麥詩所謂來也

胡麻

大宛種也道家以為飯江淮間多植之

園圃為翫不能成畦俗云必夫婦同種則生而

茂盛唐江淮士人有罪戍者妻寄詩云胡麻好

種無人種底事歸時郎未歸葛稚川云胡麻中

一葉兩筴者名巨勝

蔬屬

薯蕷 俗名山藥北戶錄曰儲也為麪餅絕宜
人味極芳美

百合蒜 博物志江淮間百合根大而味甘南
地者微苦蓋芋牛蒡決明之類也

芋 俗呼芋苗大為魁小為子卓王孫所謂蹲
鴟是也

菘 俗謂之臺菜本草揚州菘菜葉圓而大有
毛噉之無滓絕勝他土即所謂白菘也又有牛
肚菘味尤甘

蔓 草木疏曰蕪菁也又名蔓菁諸葛亮所止
令軍士種焉以為出甲可生噉葉舒可煮食久
居滋長冬有根可劔而食也蜀人呼諸葛菜揚
州亦然

葵 甘滑為百菜長左傳葵猶能衛其足以葵
心隨日光所轉輒低覆其根似智也曹子建曰
若葵藿之傾葉太陽雖不為之回光向之者誠
也今人誤為秋葵花王弼州詠黃葵花亦爾皆
未深考也

菱首

菱兒菜

藻

荇

蓴

芹 楚葵有水旱二種三月作英可箔出儀真者長數尺味獨佳

蒲芽

槐芽

椿芽

豆芽

藕苗

芡條

芥 方言曰蘇芥草也江淮之間謂之蘇有青

紫白秣雞爪數種生四月者名春不老

莧 有紅白紫三種又馬齒莧

麥菌

蕈 生木上細者曰天花蕈亦名木耳石上者

曰石耳

苦蕒菜

芑也毛詩薄言采芑俗呼芸臺菜晉

安帝紀曰義熙二年有苦蕒菜生揚州中興書

曰草妖也是後歲歲征伐民人多苦苦蕒者買

苦也吳志曰菜高四尺厚三寸形如琵琶兩邊

生葉

茗達菜

又名甜菜

蘿蔔 又名萊菔有黃白二種

萵苣 韭 葱

大蒜 葫一年為獨蒜二年成大蒜苗葉根子似葫而細小蒜也

胡荽 俗呼芫荽西方書名與渠以為熟食發姪生食增恚故不食與上五種俱為葷菜

生菜 藤菜 滑菜

波稜菜 北戶錄婆羅國獻稜菜火熟之能益食味菜以國名

刀豆 藜藿

藪菜 本草云揚州藪菜味辛溫多食令人氣喘

薺 月令薺草也

苘蒿 萋蒿 香蒿

地耳 一名地踏菜狀如木耳故名

淡笋 象竹笋 燕來笋

筍笋 出儀真長三四尺味微苦僧贊寧笋譜亦有苦竹笋

苽屬

西瓜 產興化餘東者佳邵平所種有五色子
母瓜今其子孫家揚州瓜洲者尚衆學圃雜疏
以為金主征西域得之洪皓自燕中攜歸故以
西名

王瓜 一名土瓜月令四月王瓜生

黃瓜 原名胡瓜北人避石勒諱稱黃瓜有白
瓜似黃瓜而白黃差後

甜瓜 苦瓜 南瓜

絲瓜 冬瓜 香瓜

壺盧 俗名葫蘆有數種明寶應朱曰藩家園
種壺詩曰春柳半含萸春鳩屋上啼弱苗何日
引長柄得誰攜瓠落非無用鴟夷可滑稽揮鋤
不覺倦新月在樓西

瓠子 本草瓠味苦有毒不可為茹詩曰幡幡
瓠葉采之烹之今人知食者鮮

茄子 大業雜記曰煬帝改茄子曰崑崙紫瓜
因係之瓜屬

黃獨 俗呼黃精誤

果屬

蓮子

藕

芡 方言淮泗之間謂雞頭曰芡

菱 武陵記云兩角曰菱三角四角曰芰圖經

有嫩皮而紫色者曰浮菱江淮人曝其子以為

米可以當糧

桃 種類甚多惟沙桃佳實如鵝卵大味極甘

肉與核離出江都東沙諸處因名寶應朱九江

有謝人餉沙桃詩曰沙桃風味動江鄉每近中

元輒寄將供奉似君才不忝漢庭早晚識東方

李 揚州有麥李絕佳出槐子橋汪家園與麥

同熟因名肉厚而甘脆亦與核離其後子孫伐

為薪佳果遂絕

梅

杏

石榴

梨 西陽雜俎揚州淮口出夏梨

柿

棗

雞拱子

棓 似柿而青黑生淮南所謂梁侯烏棓之柿

栗

櫻桃

木瓜

鳧茨 俗名勃薺以鳧好食而名漢書作符訾顏之推云鳧茨令去黑皮以為粉作湯餅甚光滑東觀漢記王莽末江淮之間枯旱民多餓羣入野澤掘鳧茨而食之

林檎 來禽也俗名花紅齊民要術林檎堪為

麪

慈姑

松子

枇杷

榧 似梨而色黃述異記又有香榧子小于

榧 榧而相似北方所無江淮南人至北見榧

以為榧子謂此也

核桃

銀杏

葡萄

落花生 高郵志名地果又名無花果以不花而實也即滴花生

草屬

菅 白華已漚曰菅未漚曰野菅詩曰白華菅兮是也

蘆

荻

葦

茅 管仲曰江淮間一茅三脊所以為藉

蒲 菱

菖蒲 荃也一名蓀一種有脊如劍一種節甚

密生石上名石菖蒲又名昌歎文王嗜之

莎 萍 蓼

藻 艾 蓬

蒿 莞 落梨

蘩 蘼 烏渠

鳳尾草 生高郵東門月城上

虎耳草 宋艮岳有八芳草鳳尾虎耳其二也

吉祥草 佛指甲 蒺藜

薜荔 在屋曰昔邪在牆曰垣衣山鬼被薜荔

兮帶女蘿

淡竹葉 毛詩綠竹猗猗綠與棊同一名王芻

又終朝采綠不盈一掬此也

木屬

柳 春秋元命苞揚州厥土下濕多生楊柳人

多以楊柳並言不知楊葉圓而上舉柳葉長而

下垂春初園池間垂絲縷縷者柳也戰國策亦曰柳柔脆易生與楊類則二木不同可知隋開邗溝入江渠旁築御道樹以楊柳謂之隋堤唐羅隱詩夾道依依千里遙路人回首認隋朝春風未惜繁華意猶費工夫長柳條

扶芳 大業雜記煬帝在江都吳郡送扶芳二百樹其樹蔓生纏繞他樹葉圓而厚凌冬不衰夏日取其葉微火炙使香煮以飲深碧色香甚美令人不渴

白楊

青楊

黃楊

柘

榆

槐

松

柏

桑

檜

法雲寺舊謝安宅有雙檜安所手植唐劉

禹錫詩雙檜蒼然古貌奇含煙吐霧鬱參差晚依禪客當金殿初對將軍映畫旗龍象界中成寶蓋鴛鴦瓦上出高枝長明燈下前朝焰曾照
 青青年少時

栲

櫟

椿

棘

椒

桐

楓

梓

椶

椶閭其皮為繩可覆屋

苦楝

白楝

穀

草木疏幽州謂之穀桑或曰楮桑荆揚謂之穀

皂莢

亦名皂角揚州有皂角林在瓜洲宋劉

錡破金人處

石楠

橡

出高郵河院寺

冬青

女貞

楮

枸

橘

茱萸

風土記茱萸椒也說文椒似茱萸出淮

南

茶

寰宇記云蜀岡有茶園其香味如蒙頂所

廢

產用貢上舊有時會堂春貢亭皆造茶所今皆

花屬

瓊花 詳載古蹟

芍藥 揚州古以芍藥擅名宋有圃在禪智寺前又有芍藥廳向子固有芍藥壇劉攽著花譜凡三十二種以冠羣芳爲首其後王觀孔武仲艾丑各有譜觀之種如攷而益以御衣黃等八種武仲之種三十有二丑之種二十有四皆首御衣黃紹熙廣陵志種亦三十二而首御愛紅其品具各譜不可殫記南海歐大任詩曰萬朶錦雲新天涯贈美人誰知江上色却掩洛陽春

牡丹

繡毬 一葉百藥一藥八英如簇毬然故名紅者曰山丹白者名粉繡毬卽聚八仙花今誤爲瓊花者李東陽觀揚州察院八仙花詩曰春風不見廣陵花忽到行臺御史家九曲闌干隨月轉兩行環珮倚空斜品題自稱仙爲骨搖落空知歲有華莫遣風霜浪摧折高枝須待楚江槎

紫荊

薔薇

木香

雞冠 有紅白黃紫各色有毬子掌片纓絡矮

者名波斯雞冠

夜合 一名合歡又名青裳嵇康嘗種之舍前

木堇 笑靨 郁李

粉團 金沙 石竹

海棠 品類甚夥曰西府曰鐵梗曰垂絲又有

秋海棠秋時始花叢生而色最媚

玉蘭 一名迎春花以花早而名歐訓導大任

揚州王氏園觀玉蘭詩云素艷何年出苧蘿西

園春色過江多漢濱欲贈風前珮洛浦曾凌月

下波翠羽忽驚梅萼夢瓊花猶聽竹西歌洗粧

更有持觴客芳草天涯柰爾何

菊 種亦近年為繁土人多從洛中移佳本園

師有鬻于市者

安石榴 來自安石國因名有黃白深淺紅數

種

海仙 木犀 玉蝴蝶

山茶 單瓣大者曰日丹瓣重疊差小者曰寶

珠新羅國多海紅即淺紅山茶也

辛夷 一名木筆唐皮日休揚州看辛夷花詩
 臘前千朶亞芳叢細膩偏勝素捺功螭首不言
 披曉雪麝臍無主任東風一枝掃地成瑤圃幾
 樹參庭是藥宮應為當時天女服至今猶未放
 全紅
 芙蓉 一名拒霜
 荷花 有紅白二種高郵邵伯諸湖最多至數
 十里不斷孟城黃瓊采蓮詩蒼煙漠漠董家潭
 綠樹陰陰白水灣十里錦香看不斷西風明月

棹歌還人家盆池所種者有重臺蓮千葉四面
 鏡有黃荷花色白微黃彌陀經注所謂俱物頭
 花也

碧桃

金鳳

鶯粟

水仙

山丹

玫瑰

萱花

瑞香

梅 種類甚多以綠萼玉蝶為勝又蠟梅深冬
 開以色酷似蜜脾故名亦有狗蠅磬口二種而
 磬口佳花多宿葉結實如垂鈴尖長寸餘又如

大桃奴子在其中揚州有梅花閣以何遜得名
遜有法曹廨舍梅花詩兔苑標物序驚時是早
梅衝寒當路發映雪擬寒開枝橫却月觀花遶
凌風臺知應早零落故逐上春來

葵 有荆葵戎葵秋葵色黃今人誤為葵菜者
也

紫薇 俗名百日紅

羞人蓮 鹿葱 金林檎

木蘭 石塔寺有木蘭院唐王播寄食處有詩

二十年前此地遊木蘭花發院新修如今重到
經行處樹老無花僧白頭

鴈來紅 即後庭花

龍爪 金盞 蝴蝶花

長春花 玉屑 珍珠

黃雀 玉簪 金絲桃

早金蓮 到線紅 剪春羅

剪秋羅 金蓮寶相

夜落金錢 白者為夜落銀錢

金燈

金錢

比戶錄云來自毘尸沙國

梔子花

一名玉樓春有山梔水梔單葉千葉

俗云即西域蒼葡萄花或曰非也蒼葡萄金色花小

而香梔子花白

結香

虞美人花

旋覆花

俗名滴滴金

竹屬

苦竹

晉戴凱之竹譜注苦竹有白有紫而味

苦圖經曰苦竹一種出江淮肉厚而葉長闊笋

微有苦味俗呼甜苦笋食品所最貴

象牙竹

笋似象牙故名

象蘆竹

戴凱之竹譜有竹象蘆因以為名注

此竹膚是蘆出揚州東垂諸郡又云可以為篔

斑竹

又名湘妃竹

慈竹

僧贊寧笋譜其竹內實而節疎性弱可

代藤形緊而細一叢數竿笋不外迸然不堪食

蘄黃間名叢竹近來揚州多植之窻戶前取有

幽致

白竹 贊寧笋譜連州抱腹山多生此竹揚州其移本也

紫竹 苞叢而生中實其色沉紫可愛

水竹 贊寧笋譜生水中其笋隨水深淺以成

節若深一丈則笋出水面為一節出黔南管內

江淮所移漸失其故

鳳尾竹 燕來竹 馬鐙竹

籊竹 節密

誕竹 節疎

弓竹 戴凱之竹譜弓竹如藤其節稀曲生多

臥土立則依木出揚州東垂諸山中

藥屬

天南星 本草古虎掌也

苦參 一名崑崙草

前胡 天麻 三稜

五加皮 一名文章草譙周異物志文章草贊

曰文章作酒能成其味以金買草不言其貴即

五加皮酒今高郵造者佳

紫葛 日華子云紫葛種此藤生者

益母草 爾雅推芻蔚毛詩中谷有推花有紅

白紅勝

槐角子 舊志出高郵三皇廟者佳

車前子 芣苢

紫蘇 出高郵軍者佳

老鴉眼睛 本草出高郵軍

蒟蒻 本草揚州有蒟頭

海艾 本草揚州海艾人鮮知之

菴閭子 白芨 蒲黃

青箱子 一名崑崙草

馬鞭草 節生紫花如馬鞭故名

蛇牀子 爾雅一名盱通典唐揚州貢蛇牀子

蛇牀仁

黃連 白前

杜若 廣雅曰楚蘅或以為卽杜蘅非也

香附子 本草莎草香附子其根也

豨薟草 卽火杓草有毒出高郵軍者佳

吳茱萸 馬兜鈴 夏枯草

紅花 本草紅藍花揚州紅花色最艷堪作胭脂

脂

芍藥根 有赤白二種

女貞實 一名狗骨木以上凡三十二種本草

圖經皆云出淮南者勝

芫花 蜀桑根

萎蕤 玉竹根亦名地節

澤蘭 地黃 天花粉

穀精草 地榆

劉寄奴 即大葉蒿子

吳藍 大藍根

菖蒲 本草一寸九節者良生揚州者皆大根

名劍脊草不堪服食

天門冬 顛勒草根類百部山海經曰蓂冬也

麥門冬 形如裸麥護門草也一名百靈草

茵陳蒿 冬瓜子

兔絲子 爾雅唐蒙毛詩爰采蒙矣俗名金線

藤通典出揚州者佳

苦葶藶

蘿蔔子

金銀花

馬攔頭

甘菊花

將軍子

遠志

葉為小草世說新語郝隆曰入則為遠

志出則為小草以諷謝安其花曰大青

羊蹄根

陶隱居曰秃菜也又名蓬詩言采其

蓬

五葉藤

蒼耳

三賴子

荆芥

薄荷

薯蕷

秦楚名王延

芎藭

博物志苗曰江蘼根曰蘼蕪即文無也

亦名當歸古人相招則以文無

何首烏

有赤白二種赤為雄白為雌一名夜

交藤出高郵神居山上者佳

青蒿子

白柳根

雲南枝

一名青木香

瓜萋

根子二種皆入藥亦名枯樓唐書地理

志揚州有枯樓粉

枸杞子 俗名甜菜有紅黃二種其根為地骨皮

商陸根 金門歲節云裴度除夜歎老迨曉不寐爐中數添商陸火

王不留行 亦名麥藍子

楮實 辛夷 細辛

元參 重臺草根

薊根 二種大薊名虎薊小薊名豹薊

白芷 楚詞曰葍注香白芷也

茴香 一名懷香子

瞿麥 牛蒡子 桑白皮

虎杖根 旋覆花

澤漆 根曰大戟圖經淮南出者莖圓高三四

尺苗如百合即澤漆也

半夏 山慈姑

蒲公英 俗名黃花地丁

蒺藜子 三白草 海螵蛸

土牛膝 圖經江淮有之然不及懷州為真

白項蚯蚓 本草出蕃釐觀后土祠者入藥

龍膽草 一名陵游

元精石 出各鹽場

馬芹子 似蒔蘿褐色泰州所出多

鱧腸草 卽旱蓮草以上凡六十七種本草謂

在處有之江淮不得專其勝也

羽蟲屬

鶴 鵠也出呂四場者脚有龜文

鶴 一名黑尻善旋飛江淮人謂鶴旋飛爲鶴

井

鳩 有斑鳩鵲鳩之類方言自關而東謂之鳩

戴勝 陸佃云卽布穀俗名郭公

鷓鴣 一名伯勞

烏 明萬曆初其烏百千羣自官河南顧家墳

樹飛來集鈔關運司二廳脊噪踰時而去今不

復來矣

燕 有二種越燕小而多聲好巢人家門楣胡

燕差大好巢兩椽間

鵝 天鵝 蠟嘴

畫眉 百舌 鷓鴣 人家門前

秃鶯 俗名青鶴

鷺鶯 一名春鋤

鳩鵲 一名鴉 周禮職方氏揚州其畜宜鳥獸

先儒謂鳥孔雀鳩鵲之屬蓋鴉雖微禽毛羽可

尚故得與孔雀同稱也

翠鳥 鶻 鷓

鴈 鴻 鶻

鷓 鶻 子規

鷹 通州舊志八九月間自海上飛來止于狼

山

鷓鴣 音侃旦俗呼寒號蟲方言自關而東謂

之城旦

雉 今名野鷄爾雅江淮而南青質五色皆備

成章曰雉

鸚鵡 鴛鴦 啄木

雀 好棲人屋宇一名瓦雀

鵝

鴨 尸子曰野鴨為鳧家鴨為鶩野鴨出泰州
佳家鴨江湖間養者百千為羣高郵泰州極多
生子多者不暇伏以牛矢嫗而出焉未孚者曰
蛋土人鹽藏之以售四方都下尤重之漢書江
都易王故姬李陽華其姑馮大力妻陽華老後
歸馮喜鬪鴨鑿池畜之名鬪鴨池

雞 方言陳楚之間謂之鷓鴣高郵博支有巨
雞高四五尺與人鬪土人以守戶爾雅謂之鷄

雞

鷓鴣 黑色能入水取魚江湖之間漁者養數
十百頭日可得魚數十斤

屬玉

鷓鴣

章雞

鷓鴣

鷓鴣

喜鵲

雪姑

練雀

鷓鴣

一名桃蟲

黃鸝

李太白揚州白田馬上聞鶯詩云黃鸝

啄紫椹五月鳴桑枝我行不記日誤作陽春時

蠶老客未歸白田已綵絲驅馬又前去捫心空

自悲

花雞 出通州秋日來自海外大者名麻雞

黃雀 出通州海門者曰海鴿揚州差大與江

南產者皆不同

花鷓 十二紅 白頭翁

叫天 鷓鴣

白鷗 鷺也

毛蟲屬

虎 邊海間有之方言江淮之間謂之李耳注
虎食物值耳即止以觸其諱也

馬 驢 牛

犬 說文狗之有懸蹄者曰犬其種三守犬食

犬田犬

豕 方言吳揚之間謂之猪其子曰豚檻及蓐

名曰槽

鹿 鹿

麀 麀也老而牙見江淮人謂之牙麀

鼠 其畜多壽江淮人謂之老鼠

狼 興化志歲旱來自海東田家多樹束草疑之則不敢近

狐 獾

狸 方言即貍江淮之間謂之貍

貉 獺 兔

倮蟲屬

蜂 凡三種黑蜂黃蜂並蠆有毒螫人蜜蜂為良

虱 蟻 蟻

伊威 一名鼠負負作婦非

壁虎 以善緣壁名即守宮也一名蝎蜓揚人謂之壁虎

蝙蝠 方言自關而東謂之服翼

蟬 即蠹魚

蝮 俗名土狗

蚊 說文楚謂之蚊夏小正曰白鳥

蠅 種亦三蒼蠅青蠅麻蠅

蜣螂 崔豹古今註曰轉丸

蜉蝣 渠略方言作渠略

蝮 爾雅曰胡蟬似蟬而小者曰寒蜚夏小正

五月蟪蛄鳴七月寒蛄鳴

跌蚤 爾雅蝮鴈淮南人呼蚤音惡最有毒

絡緯 莎鷄揚人呼紡織婆

蚱蜢 卽螽斯

蜻蜓 方言注淮南人呼蠓蚱

蚰蜒 方言自關而東謂之入耳以能入人耳

也

蜈蚣 一名螂蛆

籠鼯 爾雅有土籠鼯在地結網者草籠鼯絡

蔓草間又蠪蛸長跖俗名喜子亦其類也

蟋蟀 一名蜻蛚爾雅翼淮南則云蟋蟀

蚯蚓 夏夜于草底鳴曰歌女

蛺蝶 螢

蝦蟇 似蝦蟇而背青綠者曰青蛙江淮人食

之名水鷄其子曰蝌蚪

蟻 子曰蚺飛蟻曰蜎

蠅虎

載 毛蠹似蠶而短背有毛能螫人俗呼揚痢

音辣楚詞九思載緣兮我衣

叩頭蟲 異苑曰小蟲形色如豆祝以叩頭輒

如稽顙百則百千則千江淮人呼擣確蟲

泥 其蟲土色形常凝然如醉觸之蠕然李白

詩笑殺山翁醉似泥是也揚人名土龜

鱗屬

鱒鯉 大者數百斤江海所產間至瓜洲土人

以為鮓

鮓 鱒

鮓 一名白頰

鮓 圖經出江湖間北郡所無南人多以作鮓

庚韻音征即五侯鮓是也

鮓 有青白二種

鮓 鮓 鮓

鮓 今名鮓魚

鯽 一名鮒

鱈 黃頰魚身大能飛揚人以黃鱈魚當之非也黃鱈魚大不滿尺

鯉 鱒 鮓

鯊 狹薄而長鬚一名刀魚通州多味腥而美

曰海鯊

鱧 俗名烏魚

鱖 鰻 鱧

鮠 鱮 鱧

石首 一名鰻俗名黃魚南人薹而食之曰鯊

往歲不至揚州近始有之

銀魚 一名王餘出高郵者差大通州者小而

美過之又名鱠殘魚

白鱈 形狹而長若條然即莊子條魚江淮之

間謂之鱠魚

烏賊魚 萬震海物異名記曰烏賊八足集足

在口縮喙在腹其名烏賊喻波暎墨迷射水匿

針口 小而肥美出通州者佳

比目 或以為王餘非也爾雅翼比目魚東海所出

燕尾 沙釘 梅頭

河豚 鯢魚也大者河豚小者班魚肝有毒出海者尤甚揚人往年絕不食近始染指貨殖傳

鮐鯨干石鮐即河豚

閏魚 閏年自海出骨可為橋如臯不濱海己亥從江岸得一魚可數千斤

介屬

鼉 晉安海物記云鼉鳴如桴鼓江淮之間謂鼉鳴為鼉鼓

龜 鼈 龜

蝓蚌 一名蜃蟹大者長尺餘能與虎鬪

蟛蜞 蟹之小者俗呼彭越誤也三月出於海土人以鹽藏貨之

蛭 有毛蛭竹蛭二種

蛤 紫綠者佳海濱人亦鹽以為醬通州近時以甜糟藏之極甘美江南所重

羸 作螺史記貨殖傳楚越之地果隋羸蛤不待買而足是以江淮以南無凍餓之人亦無千金之家魏書自遭荒亂卒乏糧穀袁術在江淮取羸蛤民人相食

車螯 大蛤也

土蚨 出伍祐場者肥而少泥不減寧波產其

他名泥羸

蠣 海蠣

蚌 大者長三五寸又大者為蜃小者為蜆

石蚌 俗名龜脚江淹蚌賦曰石蚌一名紫鬣

蚌蛤類也春而發花有足翼者王維送元中丞

轉運江淮詩云去問珠官俗來經石蚌春

蝦 種類甚多土人或鹽以為醬或腊以為米

名小白者美大者長數寸謂之對蝦

蟹 形如便面色青黑十二足悉在腹下其子

如粟海人取以為醬閩浙亦皆重之殼可為冠

屈以為杓轆釜輒盡尾可為小如意

蛇 生東海上形正白濛濛如沫又如凝血廣

數尺方圓無腸腹頭目以蝦為目兩蝦附其下
汎水如飛一名水母江賦所謂水母目蝦

蚌 卽蚌長一寸廣二分大者三二寸說文漢
律會稽郡貢蚌醬今海人亦與車螯鹽為醬

麤 爾雅江淮間蚌長而狹者曰麤

蟾諸 爾雅曰似蝦蟇而居陸地淮南謂之去

蚊

蛾 陸璣草木疏云蛾短狐一名射工如龜三
足江淮水皆有之見水中人影含沙射之其人

輒病又名射影

貨屬

銅鏡 唐于揚子江心鑄銅鏡宋尚入貢今無

鹽 出通州泰州興化如臯海門

謙 出泰興如臯

硝 出泰興

曬白夏布 綿紬 生絹

草布 俱出江都

單布襪 出江都儀真

莞蓆 蒲鞋 出泰州

苧布 出通州宋揚州貢苧布今無

麻悅 剪刀 出通州

海錯 出通州海門

酒屬

雲液 瓊花露 平山堂

凝香堂 淮海堂 皆宋舊品具寶祐維揚

志

雪酒 釀自郝氏

菖蒲酒 佛手柑酒 羊羔酒

珍珠酒 釀自諸富賈家以上皆出江都

生春酒 出儀真

五加皮酒 冬青酒 豨薟酒 出高郵四

方稱之號淮南名酒

三白酒 出通州

白酒 各州縣皆有用草麴三日可成味極甘

美少入水曰水白酒冬月煮過嘗之曰臘白酒

釀法自新安

綠羅春蔕式秋露白 出泰州陸氏釀法最佳

美人木曰木白部冬月黃盛管之日臘白

白醪 谷州濕管日因草勝三日可取和甜甘

三日醪 出歐州

大醪之醪部南谷醪

五城史部 冬青醪 蘇茶部 出高麗四

水部 出高麗

包米醪 製自高麗買家以上者出山嶽

昔蕭部 物手出部 羊羔醪

欽定古今圖書集成方輿彙編職方典

第七百六十四卷目錄

揚州府部彙考十二

揚州府古蹟考

職方典第七百六十四卷

揚州府部彙考十二

揚州府古蹟考

府縣志合載

本府

江都縣附郭

邗溝城 在江都縣西四里蜀岡上按杜預左

傳注吳將伐齊北霸中國自廣陵城東南築邗

城城下掘深溝謂之邗溝城卽此其後楚王熊

槐復築金城陸弼詩一代雄圖改千秋故堞迷

江淮流不盡落日草淒淒

吳王城 水經注漢高帝十一年吳王濞所都
周十四里魏文帝伐吳登廣陵故城臨江觀兵
賦詩而還卽此

吳王釣臺 漢吳王濞所築大觀圖經云在揚
州城北十二里

新城 晉寧康間太保謝安出鎮廣陵築城邵
伯堰名新城今堰存城廢

蕪城 卽邗溝城宋竟陵王誕亂城邑荒墟叅
軍鮑照作蕪城賦傷之遂名歐大任詩鄒陽一

洒淚書在竟誰看落日荒城草西風井逕寒

章臺宮 漢江都王建游章臺宮令四女子乘

小船建以足踏覆其船四人皆溺二人死又游

雷陂使郎二人乘小船入波中船覆兩郎溺攀

船乍見乍沒建臨觀大笑雷波注云雷陂疑卽

雷塘故宮莫知其處

顯陽殿 漢廣陵王胥置酒顯陽殿召太子霸

及子女董訾胡生等夜飲鼓瑟歌舞

隋宮 在城西七里之大儀鄉大業元年中勅

長史王弘大修江都宮舊有內殿宮門遺址尚存西宮在大內西北宮在茱萸灣臨江宮在揚子津又有歸雁宮回流宮九里宮松林宮大雷宮小雷宮楓林宮春草宮九華宮光汾宮揚子宮

成象殿

大業雜記云二年煬帝御成象殿元

會設燎朝羣臣

凝暉殿

大業雜記云殿在揚子津臨江宮內

大業七年春二月煬帝幸臨江宮百僚集凝暉

殿酺戲數日時羽葆初成霜戈花斃羽飾龍旂橫街塞陌二十餘里輝翳雲日前代羽衛無盛此時

水精殿

煬帝於江都置水精殿令宮人戴通

天百葉冠子插瑟瑟細朶皆垂珠翠披紫羅帔把半月雉尾扇子鞞瑞鳩頭履謂之飛仙

章武殿

殿在建武寺內宋祀太祖御容靖康

元年二月徽宗至揚詣章武殿神霄宮后土廟行香士民遮道乞駐蹕時衛士已過京口定議

南渡留后妃諸王于揚州金人退師回鑾辛酉
至揚州山光寺

宋行宮 建炎元年十月丁巳朔高宗幸淮甸
戊午隆祐太后至揚州入城駐于州治名州之
正衙曰車駕巡幸駐蹕之門

崇政殿 宋建炎二年八月高宗在揚州策諸
郡奏名進士於崇政殿

甲仗樓 晉謝安建在新城唐國子司業張籍
有詩

文選樓 隋大業拾遺記有梁昭明太子文選
樓煬帝嘗幸焉王觀揚州賦有云帝子久去兮
空文選之樓相傳今太子橋北旌忠寺乃其故
址明一統志載曹憲江都人仕隋爲祕書監以
文選教授生徒李善魏模輩皆出其門所居名
文選巷故樓以憲得名也

皇清順治八年住持僧慧覺募建樓五大楹中祀文
昌帝君下祀太子像

迷樓 在府城西北七里故隋宮址古今詩話

云煬帝時浙人項昇進新宮圖帝愛之令揚州
依圖營建既成幸之曰使真仙遊此亦自當迷
乃名迷樓南部煙花錄亦云煬帝於揚州作迷
樓上安四寶帳一曰散春愁二曰醉忘歸三曰
夜含光四曰延秋月後人卽其址爲摘星亭宋
李綱有迷樓賦

彭城閣 舊爲彭城村隋煬帝因地名閣先是
開皇末有泥彭城口之謠宇文化及作亂帝果
遇害於閣中當時又有元珠閣在揚子宮內

鳳凰樓 在廣北鄉鳳凰池側十道圖云隋煬
帝建今府城內有鳳凰橋

迎仙樓 唐淮南節度使高駢所建其黨呂用
之以妖術惑駢云神仙好樓居於廡邸跨河爲
迎仙樓斤斧之聲晝夜不絕費數萬緡半歲方
就自成至敗竟不一遊扃鏑儼然以至灰燼

延和閣 亦高駢建凡七間高八丈飾以金玉
綺牕繡戶殆非人工每日焚名香以祈降王母
羅隱詩延和高閣上干雲小語猶疑太上聞燒

盡降真無一事開門迎得畢將軍

卷書樓 宋高宗駐蹕揚州以提點刑獄公廨為尚書省禮部在西北隅卷書樓下

騎鶴樓 在府東北大街內太平廣記云昔有四人各言所願甲願多財乙願為揚州守丙願為仙丁曰腰纏十萬貫騎鶴上揚州蓋兼三人之願也後人建樓因以名之今廢

摘星樓 在城西北角舊志云即迷樓舊址北後有摘星亭摘星臺賈似道築寶祐間建樓于

城上扁曰三城勝處即此規址亢爽江南北諸勝一覽可盡

籌邊樓 宋郭棣建

皆春樓 在府東北開明橋西舊名大安橋宋寶祐間賈似道重建更今名宋又有慶豐樓涼樓中和樓俱廢

佳麗樓 在壺春園內即東酒庫江南諸山拱揖在目

雲山閣 宋寶祐志陳升之建雲山閣於城之

西北隅後呂公著嘗宴其上秦觀撰中秋樂語
歲久傾圮

瞻雲樓 在府城大東門外元鎮南王父阿只
建

明月樓 元揚州富民趙氏好客有明月樓一
時題詠皆不稱意趙子昂即席題云春風園苑

三千客明月揚州第一樓主人大悅撤酒罍為
壽

觀音閣 即迷樓舊址今改為閣

東閣 舊傳揚州有東閣為梁何遜咏梅之所

故杜甫和裴迪詩有東閣觀梅動詩興還如何

遜在揚州之句楊用修丹鉛錄謂東閣官梅乃

新津之地子美以裴迪逢早梅作詩故引何遜

比之非揚州有東閣也又云遜集無揚州梅花

詩但有早梅詩宋人假子瞻名作杜詩注云遜

作揚州法曹廨舍有梅一株吟咏其下後居洛

思之請再任揚州值梅花盛開相對徬徨終日

按遜本傳未嘗為揚州法曹是時南北分裂洛

陽魏地遜爲梁臣何得後居洛陽又得請再任乎據用修辨足破宋注之謬但風臺月觀明用揚州事若因注妄而並疑其詩則太泥矣

孔融臺 在府城東南有高士坊卽孔融故宅

臺在宋手詔亭旁亦名寶鏡巷

南宋弩臺 一名吳公臺在郡西北四里宋沈

慶之攻竟陵王築弩臺以射城中故名後陳吳明撤圍北齊刺史敬子猷於東廣州增築之亦以射乘堞之士高十丈周迴二百步又名雞臺

隋煬帝嘗遊臺下恍惚與陳後主相遇後主指其侍女曰此張麗華也每憶桃葉山前戰船北渡爾時麗華憑臨春閣方作璧月詞未終見韓擒虎擁萬騎直來衝入使人至今怏怏帝叱之不見

風亭 宋徐湛之爲南兗州刺史以廣陵城北多陂津水物豐盛乃建風亭月觀吹臺琴臺竹木繁茂花藥成行招集文士盡遊觀之適何遜題揚州梅花詩枝橫却月觀花繞凌風臺意卽

用謀之事耳

月觀 拾遺記隋大業十年煬帝至江都選殿脚女吳絳仙等使給事月觀帝常月夜幸之時烟景晴明左右皆寢帝凭蕭后肩說東宮時事帝曰往年會效劉孝綽爲離憶詩能記之否后卽誦云憶來時欲來剛不來卸粧仍索伴解佩更相催博山思結夢沈水未成灰憶起時投籤初報曉被惹香熏殘枕隱金釵裊笑觀上林中除却司晨鳥帝曰日月遄邁今已幾年事矣

煬帝釣臺 大業雜記云煬帝初造釣臺運石者駕舟至江東岸山下取石壘構爲釣臺之基忽有大石如牛十餘自山頂飛下直入船內如人安置船無傷損當時咸以爲瑞帝又升釣臺觀魚

鬪雞臺 杜牧之揚州詩春草鬪雞臺又趙嘏廣陵道中詩鬪雞臺邊花照塵今不知何處戲馬臺 陳後山詩話廣陵有戲馬臺其下路號玉鉤斜桂苑叢談作戲馬亭隋時又有春江

亭澄月亭懸鏡亭在揚子宮木蘭亭在九曲池
水亭 唐獨孤及有水亭汎舟望月宴集賦詩
後徐知誥夜引宋齊丘於水亭獨置火爐相向
不言畫灰爲字隨即滅去所謀甚祕人莫得知
賞心亭 唐咸通中李蔚鎮淮海於戲馬亭西
連玉鉤斜道葺亭名之曰賞心東坡詩云路失
玉鉤芳草合蓋其地也孔氏六帖作賞心樓春
明退朝錄唐成都有散花樓河中有薰風樓綠
莎廳揚州有賞心亭潤州有千巖亭並當時勝

蹟今皆易其名不復見矣

延賓亭 在揚城左北廂南唐李昇建以待四
方之士後徙于城南宋蘇舜欽詩亂蟬咽咽柳
霏霏獨上危樓俯落暉江外山從林下見城中
人向渡頭歸風烟遠近思高遯豺虎縱橫嘆息
機出處兩乖空自擾傷心吾道欲何依

崑丘臺 在禪智寺側宋歐陽修所築取鮑照
賦軸以崑岡故名歐詩訪古高臺半已傾則崑
丘舊有臺特修築之耳歐大任詩地軸橫崑岡

上有百尺臺天邊桐柏水西向城頭來

竹西亭 寶祐志亭遺址在官河北岸禪智寺前取唐杜牧之詩誰知竹西路歌吹是揚州因以名亭向子固易爲歌吹亭紹興中毀於火郡守周淙重建復舊名今圯廢

波光亭 舊名九曲亭在九曲池上宋乾道二年郡守周淙重建以波光亭扁揭之已而亭廢池塞慶元五年郭杲命工濬池引諸塘水以注之建亭於上遂復舊觀又立亭於池北築風臺

月榭東西對峙繚以柳陰

無雙亭 在江都后土祠前舊植瓊花歐陽修守揚州作亭賞之有曾向無雙亭下醉之句宋嘗移植汴京又移臨安金主亮揭花本以去其小者盡剪除之道士護其芽復茂如故元至元間其花遂枯後人植八仙花代之

董仲舒宅 在府城大東門外宋爲江都縣基今爲兩淮運司基內有董仲舒井大學士楊士奇有記陸昺詩董相千年宅寒泉澹古井轆轤

已無聲寂寞悲斷綆趙瞻奎詩一代高賢宅惟
餘井甃存晚風吹蔓草猶似未窺園

謝安宅 晉寧康間鎮廣陵所居在府運司前
今法雲寺卽其基也安手植雙檜至唐猶存劉
禹錫張祜溫庭筠皆有詩

高歡宅 歡依揚人龐蒼鷹止團焦中蒼鷹母
每見團焦上赤氣赫然燭天又蒼鷹嘗夜欲入
有青衣拔刀叱曰何故觸主言訖不見始以爲
異密覘之唯見赤蛇蟠牀上乃益驚異因殺牛

分肉厚以相奉蒼鷹母求以歡爲義子及得志
以其宅爲第號南宅雖門巷開廣堂宇崇麗其
本所住焦團以石堊塗之留而不毀至文宣時
遂爲宮

淳于棼宅 唐李公佐南柯記云淳于棼家居
廣陵郡東十里宅南古槐一株夢槐安國王召
尚金枝公主大獵靈龜山出守南柯郡爵邑崇
貴二十年及覺乃悟入古槐蟻穴耳

崔祕監宅 唐溫庭筠有過揚州崔祕監舊宅

詩昔年曾識范安成松竹風姿鶴性情唯向舊
山留月色偶聞幽澗似琴聲乘舟覓吏經輿縣
為酒求官得步兵玉柄寂寥談客散却尋池閣
泪縱橫

王播宅 唐王播宅在瓜洲播既貴歸遊瓜洲
故居感舊有詩昔年獻賦去江湄今日行春到
却悲三徑僅存新竹樹四鄰唯見舊孫兒壁間
猶記偷光處川上寧忘結網時更見橋邊各字
在始憐題柱免人嗤

楊行密宅 唐光化間行密以宅施為僧院

袁可鈞宅 蜀袁可鈞隨孟昶入朝宋太祖授

以洪衛將軍賜宅於揚今莫考其處

壺春園 宋寶祐志東酒庫在大市之東一名

壺春園內有佳麗樓稱郡勝處

萬花園 宋端平三年制使趙葵即堡城統制

衙為之

影園 明鄭職方元勳別業也庚辰初夏園中

開黃牡丹名流滿座同賦七言律至數百首元

勳糊名易書緘送常熟錢宗伯謙益評次以南
海黎遂球所作十首爲第一元勳製二觥內鐫
黃牡丹貽遂球賞其詩遂球至虞山執弟子禮
如謝舉主亦佳話也

隋隄 隋大業初開邗溝入江渠廣四十步旁
築御道樹以楊柳今謂之隋隄自長安至江都
置離宮四十餘所遣黃門侍郎王弘等往江南
造龍舟及雜船數萬艘八月煬帝至江都龍舟
四重高四十五丈長二百尺上重有白殿正殿

朝臺中二重有百二十房皆飾以金玉下重內
侍處之皇后乘翔龍舟制度差小別有浮景九
艘三重皆水殿也餘千艘後宮諸王公主百官
僧尼道士番客乘之共用挽士八萬餘人皆以
錦繡爲袍衛兵所乘又數千艘舳艫相接二百
餘里騎兵翊兩岸所過州縣五百里皆令獻食
多者一舟至百舉極水陸珍奇後宮厭飫將發
之際多棄埋之

隋苑 在縣西北九里大儀鄉一名上林苑又

名西苑按通鑑隋大業元年五月于長安築西苑周二百里其內爲海周十里爲方丈蓬萊瀛洲諸山高百餘丈臺觀宮殿羅絡山丘煬帝好以月夜從宮女數千騎遊西苑作清夜遊曲于馬上奏之又山海記十六院皆帝自製名又鑿五湖湖中積土石爲山構亭殿于上環繞澄碧窮極人間華麗按諸書西苑皆在長安今江都亦有隋苑豈效長安爲之乎然江都僅三里與二百里者大小不侔矣

螢苑 在隋苑東南二里按隋大業十一年帝至東都十二年五月壬午帝于景華宮徵求螢火得數斛夜出遊山放之光遍巖谷七月甲子幸江都宮則螢苑不在江都明矣然煬帝窮奢極侈何所不有唐去隋未遠杜牧之秋風放螢苑春日鬪雞臺之句未必傳譌也

唐郡圃 唐開元間太守園中有杏數十株每花時如錦張宴其下館曰爭春

宋縣圃 宋寶祐志在縣治董公堂之西有堂

曰清晝蓋效郡圃為之

芍藥圃 揚州芍藥擅名天下圃在禪智寺前
花有紅瓣而黃腰者名金帶圍本無此種相傳
若有見者為宰相之瑞韓魏公琦守廣陵日忽
報花發四枝公將選客具宴時王珪以高科為
倅王安石以名士為屬尚缺其一私念有過客
至召使當之及暮報陳升之來公明日開宴賞
花各簪一朵後四人俱入相有芍藥廳向子固
造芍藥壇郭杲造

董井 即董仲舒宅內今在兩淮運司廳後
蜀井 在城東北蜀岡上禪智寺側其泉脉通
蜀江相傳有僧洗鉢蜀江失之從井浮出僧遊
揚識之水味甘冽蘇軾曾取大明泉較之以為
不如也題為第一泉

玉勾井 在蕃釐觀後相傳有黃冠持畫見守
帥畫皆雲章鳥篆不可識使人尾之乃入后土
祠井中絕視之見一洞署玉勾洞天再入則水
溢不可尋矣明天啓間泉上有亭已廢

皇清康熙十三年知府金鎮議重建

鬪鴨池 漢江都易王非故姬李陽華其姑嫁

馮氏陽華老與馮氏同居常畜鬪鴨于池上宗

觀詩十三王是易王奢賓從如雲漫自誇宮裏

日長閒鬪鴨簾前一笑李陽華

磨劍池 按宋寶祐志隋鑄錢監在磨劍池之

西

第五泉 在郡城西北大明寺前唐張又新煎

茶水記載劉伯芻謂水之宜茶者七揚州大明

寺井第五泉也明嘉靖間御史徐九臯立石書

其上又載陸羽論水次第二十種與辯南冷岸

下語皆妄也羽經但云山水上江水次井水下

而已歐陽修大明水記甚詳

公路浦 伏滔北征記云廣陵西一里水名公

路浦袁術自九江來奔袁譚于下邳經此因名

輿浦 江都東漢時為輿縣寰宇記云輿浦潮

汐往來嘗濁一朝忽清宋太守范邈表以為瑞

前浦 宋王弘表云聞廣陵前浦葦蕪已久近

復開除清源弘邃含明內鑑象以數至瑞以類
應以上三浦今皆莫考其地

斗野亭 在江都邵伯鎮梵行院側宋熙寧二
年建按輿地志揚州於天文屬斗分野故名紹
興初鄭興裔更造于州城迎恩橋南嘉定間崔
與之改題曰江淮要津移斗野扁揭于北門外
九曲池 在城北七里

四柏亭 宋元豐中鄒浩教授揚州著四柏賦
序云廣陵學宮廳舊爲夫子廟庭植四柏皆凜

凜合抱今莫究其所淳熙中重建學宮教授彭
方仍植四柏于廳事後李迪扁堂之東曰景鄒
借山亭 在九曲池北宋馬仲甫于九曲池買
地築亭名曰借山有詩云平野綠陰蔽亂山青
黛浮亭廢向子固重建吳敏等亦有詩
春貢亭 在蜀岡宋歐陽修有和劉原父春貢
亭詩

美泉亭 宋歐陽修建鄭興裔重修

勸耕亭 舊在郡圃淮海堂後每歲仲春出郊

勸農寓于上方寺宋慶元五年郭杲建亭于寺之前移亭扁揭焉

高麗亭 在南門外宋元豐七年詔京東淮南築高麗館以待朝貢之使建炎間亭廢紹興三

十一年向子固重建扁其門曰南浦亭曰瞻雲為迎餞之所

江山風月亭 在江都縣瓜洲鎮熊氏建鎮南王嘗避暑于此

賦詩臺 即城子山距儀真縣北六里一名東

巡臺魏文帝嘗立馬賦詩於此

儀真縣

左安城 在縣西二十里宋治平中建左安王廟於側王子建記略云其地饒山有池相屬旁

一崇丘曰左安城意全楚時戰守之地惜史氏不書廟之神甚靈水旱禱必應云

揚子江樓 唐置轉運使時建宋慶元間郡守

吳洪因樓圯再建于鑿遠亭北更名頰江樓開禧丙寅火于兵嘉定中郡守豐有俊再建題曰

江淮偉觀唐孫逖詩揚子何年邑雄開作楚關
江連二妃渚雲近八公山驛道青楓外人烟綠
嶼間晚來潮正滿數處落帆還

烟雨奇觀樓 知州吳機詩序謂江山一景實

儀勝槩因作此樓蓋取葉石林半空烟雨之句

黃巢寨 在縣西門十里胥浦南巢亂江淮時

築壘屯軍于此狀方若城俗呼霸王城今耕者

往往得箭鏃鐵盤如牢盆狀蓋巢軍中器也

中和樓 在朝宗門上宋嘉定中知州吳機建

其下列屋五十楹南望大江北瞰運河榜其南
曰漲淥北曰枕河作水閣曰吸川又有橫江樓
在城外拂雲樓在潮閘西西樓在城寧江橋南
樓在城外清化坊今俱廢

白沙亭 舊在白沙洲上唐韋應物有白沙亭

逢吳叟歌宋嘉定間方信儒移於注目亭故址

青鸞亭 在西山宋祥符間詔即其地鑄聖像

有青鸞白鶴飛繞鑪冶上因立青鸞白鶴二亭

涵虛亭 宋歐陽修過真州曾泊此亭

胥浦 在縣西十里甘露鄉其源自銅山西南流入於江舊志相傳爲伍員解劍渡江故處舊有子胥之祠

壯觀亭 在城外二里北山之巔宋政和中郡守詹度建米芾書扁有賦及詩劉燾撰記亭與石刻俱廢于兵火

肩岫亭 在壯觀亭東發運使張汝賢立

鑑遠亭 舊在縣境潮閘西宋米芾書扁後因江流嚙岸故址頽圯乾道初張郊復建于水巷

南淳熙末趙師龍又建於城西南題曰注目亭蓋取杜少陵注目寒江之句有記慶元中吳洪再建于頰江樓前仍曰鑑遠今俱不存

天門圖畫亭 舊在儀真郡圍西城之上宋郡守姚恪建右司王正己有詩後因甃城亭廢以其名揭於頰江樓更題曰江淮偉觀後嘉定間運判吳機別建樓于朝宗門外江濱仍因前名又於樓後創水竹喜涼漣漪聞凱轉幽五亭

鏡薌亭 在縣境

四井堂 韓琦於州治後建堂曰四井壯麗極一時後慶元中趙鞏于杏花村重建堂取韓公舊名題扁後以兵廢柳徑菊坡靜境皆無復存讀書堂 在橫山西梁天監中建昭明太子嘗讀書於此卽禪証寺也僧神堅改爲太子院瑞芝堂 宋知真州潘友文建時有以芝獻者因名縣尉劉用行撰頌

東園 在儀真東宋皇祐四年發運使施昌言許元判官馬遵繼因得州監軍廢營地百餘畝

爲園旣成圖園之略請歐陽修爲記蔡襄書襄珍其書不立名姓嘗語人曰吾用顏筆作褚體故其字迺媚異常後人因名園記爲三絕靖康間園以兵廢嘉定初運判林拱宸郡守潘友文再刻園記復建澄虛閣清讌堂共樂堂後有北窻林復刻蘇東坡煎麥門冬詩於中而拂雲亭在翼城之巔尋廢寶慶初權漕上官渙西于翼城上增土爲臺而鼎新之制置使趙善湘題扁今廢

新園 在縣境宋職方朱表臣別業梅聖俞有傳

梅園 在縣西十五里內有古意亭宋嘉定間守吳機建

休園 在縣東十里江麓大叅蔣山卿隱處也中為玉山草堂左跨池為飛麗閣閣東為紫薇亭後為竹里館梅花塢折而前左為回川亭右為文杏亭後為平臺右為自怡齋有休園詩集泰興縣

濟川鎮 即今鎮安街漢以來未建縣時此地名為鎮

鎮安街 相傳為唐尉遲敬德甃

延令村 即今之縣治舊縣治在柴墟即今之

口岸鎮宋岳少保會退守此處有斷梁廟舊蹟猶存

鎮安樓 在鎮安街舊之譙樓今廢

遺帶亭 在察院前邑令舒曰敬解帶出境建之以紀去思

來鶴亭 在城隍廟右謝令讜建令有以一鶴贈者不數日有侶從西北來相與翱翔彌日不去令喜構一小亭於縣治之西顏曰來鶴以擬趙抃云

迎春亭 在城東門外明嘉靖十三年邑令朱篋建

存 救書樓 宋元豐四年建以藏詔令今廢碑記

高郵州

朱壽昌宅 在城內西街彭孝坊壽昌事母至孝

淮春樓 在州西北宋郡守趙不慙建

多寶樓 在州北門外太平街西商賈雲集競售珍奇今止存橋名多寶樓橋

文遊臺 在城東宋蘇軾孫覺秦觀李公麟同遊載酒論文於此郡守因築臺名文遊以紀其

盛李伯時爲之圖畫應公武重修有記
三阿 晉謝元破苻堅將彭超於此

下阿溪 唐李敬業屯兵于此爲李孝逸所破
北阿 卽今之鎮也

故縣村 隋大業中嘗移縣於繫梁溪之金塘
鄉唐末徽二年復舊所名其地爲故縣村

四達齋 在州治後宋郡守趙晦之建

九里亭 在北門外九里宋楊萬里過九里亭

詩水渚纔容足漁家便架椽屋根些子地檐外
不勝天岸岸皆垂柳門門一釣船五湖風月好
乞與不論錢

嵇家莊 在州東南十五里城子河邊周立墩
南宋文丞相見逐于揚匍匐至嵇家莊遇嵇聳
始得由海道達行在後侍郎柳岳奉表降元嵇
聳殺之于此

湖天一覽亭 舊名大觀亭在文遊臺上

衆樂園 在郡圃宋守楊蟠所作堂曰時燕豐
瑞閣曰搖輝玉水臺曰華胥亭曰明珠四香序
賢庵曰塵外迷春蟠自爲記繫之詩

天壁亭 在新城多寶樓橋西秦少游詩吾鄉

如覆孟城據揚楚脊環倚萬頃湖粘天四無壁因以天壁為名

翫珠亭 在州北一十里樊良鎮宋嘉祐間天長澤陂中有一大珠天晦多見後轉入甓社湖或在新開湖樊良當珠往還之處因以名亭

擊楫亭 在州新城市河西郡守王剛建

瞻袞堂 在州北城上宋紹興四年韓世忠移軍楚州命提舉董昉築城聚糧於高沙都督張浚嘗憩于此董昉因築堂名瞻袞

威敵堂 在州西後有室曰雅歌

興化縣

拱極臺 在城北上下臨海子池即元武臺舊

址元縣令詹士龍讀書處明嘉靖間里人遷之

北門外知縣傅珮重建更今名

濯纓亭 滄浪亭 俱在縣舊稅務前宋天

聖間范仲淹建

寶應縣

金牛城 在縣東十五里孝義鄉宋熙寧間王

將軍築高三丈許以土色黃而城形如牛故名
石鼃城 在縣西八十里隋爲石鼃縣故有城
址舊以爲石鼃山因山有石鼃故名山下有城
相傳晉鄧艾所築今驗其處無山有城蓋傳誤
也晉荀羨鎮淮陰屯田於東陽之石鼃卽此通
典云山陽有平陽石鼃田穀豐饒蓋歷代屯墾
之所

高黎王城 在縣西南八十里侯村鄉宋治平
間高黎王築

韓王城 在縣治東南四十里射陽湖之陰
八寶亭 在縣治南今廢石碑尚存
泰州

景范樓 在州迎恩門內范文正舊行衙也

溪月樓 在州迎恩門外

永寧宮 在城內南唐李昇六年遷楊行密子
孫於海陵號其居曰永寧宮嚴兵守之絕不通
人男女自爲匹偶周世宗征淮南詔撫楊氏子
孫璟聞之遣人盡殺其族周先鋒都部署劉重

進得其玉硯碼瑙碗以獻舊址在譙樓之北相傳譙樓乃其闕門也後卽遺址築子城爲州治芙蓉閣 在州舊治內藕花洲上

望京樓 在州郡圃內宋咸平中曾致堯建

清風樓 在州舊治內又云清風閣自五代時

壘石爲山翼以兩徑爲登陟之階中爲滑石峻臺臺上有閣名清風

浮香亭 在州舊治藕花洲後其題額爲宋茂

陵御書有秦太虛所賦古梅詩舊建小亭刻秦

詩壁間宋紹定元年守陳垓撤舊亭大書宸扁

其上刻秦太虛蘇東坡穎濱參寥詩于石

六詠亭 舊曰齊雲又曰平遠前有三至堂

長洲澤 劉昭注長洲澤多麋博物記曰千麋

成羣掘食草根其處成泥名曰麋峻民人隨此峻種稻不耕而獲其收百倍又沿海洲上有草名篩其實食之如大麥秋冬斂穫名曰自然穀

或曰禹餘糧今泰州沿海洲上蘆葦無際羣麋迅走人欲捕之雖麇不獲常兩兩並負其子而

行蒔草今亦有之所謂長洲澤沿海洲地桑田
屢變莫詳其實矣

縑絲井 在州東臺場西溪鎮相傳曹長者遺
宅仙女偕董末往傭時縑絲處也井口小而下
實弘深水味甚甘冽每旱諸井皆涸此井如故
春蠶熟時井上生草根長丈餘

積翠亭 宋曾致堯詩高高積翠亭積翠不虛
名路小莓苔合牆低薜荔生當軒攢竹柏繞檻
列杉檉公退時來此吟情轉覺清

須友亭 與浮香亭對宋守陳垓種竹爲屋曰
須友以竹必友梅亦茂陵御書也

文會堂 在州舊治內宋天聖間滕宗諒爲郡
從事建與范仲淹富弼胡瑗唱和其中

順真堂 在州治西南太子港西周處士堂也
讀書堂 在州治東北八十里景德寺東廊宋
天聖中富鄭公隨父蒞任讀書與胡侍講周待
制相友善時范文正與滕待制子京俱官海陵
待三人甚厚皆謂公輔器也

淮東道院 在州舊治內大廳之東以海陵地僻事簡故名道院宋左丞陸佃爲守謝表云飛蚊漸少頗無澤國之風過客甚稀至有道院之號乾道五年守張子顏重建嘉定七年守李珙始加淮東二字寶慶三年守陳垓增修

歸鶴亭

在州東七里響林昇真觀內徐神翁瘞劍處也

鹿女臺

在天目山西昔王仙翁居山日有五色鹿產一女于山左草莽中聞啼聲往視之見

鹿乳焉翁挈養之鹿日三至女七歲通三教後年十六翁以成人築臺居之號曰鹿女臺今廢如臯縣

郎 卽今立發地古名發陽春秋魯衛宋會于

郎杜注在廣陵海陵東南舊有發繇亭

會盟原 在縣治東十里相傳吳楚會于邗溝卽蟠溪地今有邗溝鋪

金鹵亭 南唐徐復建復治海陵鹽政檢烹煉

之亭曰金鹵其兄履時掌建陽茶局聞之潔廠

焙舍命曰玉茸兄弟自相誇勝今馬塘豐利諸場卽其地也

范公堤 卽捍海堰在縣東北境唐大曆中黜陟使李承式勅築宋天聖三年范仲淹監西溪鹽會建議發運使張綸奏請修復踰年堰成高一丈五尺闊三丈綿亙海上隱隱如長城後人立祠祀公因名范公堤

丞相原 在縣南十八里宋家橋西宋丞相文天祥航海經此借宿田家因名今爲隱士余日

麗瑩域

古杏 舊東嶽廟前銀杏二株圍可二丈餘並聳干雲左一樹尤偉元兵初下主者欲伐爲薪鋸之有紅汗迸溢驚以爲神而止明嘉靖中廟改學宮二杏猶存今爲大風所拔無餘葉矣燕莊一杏大可百圍四遠望之亭亭如車蓋每風雨振撼疑度深谿中人皆眙睥殆數百年物也尚存無恙

古棟 在江濱埜田中土人呼爲黃棟高不過

丈許而周匝可布十肱從地拔起色類青鐵望之如百千怪石磊砢峻嶒莫辨其爲植木也里人相傳有神宅焉

古樸 一在龍游河邑人冒襄結巢其上因號巢民一在縣南蘇家莊相傳爲元時物

王內翰宅 在縣儒學東宋王惟熙王觀王觀王俊又相繼登第鄉人榮之名其里曰集賢里知縣胡昂建石梁曰集賢橋知縣劉永準作東南門亦曰集賢門

芙蓉園 在縣南一里宋史聲奉其父逸叟居此內有方池平臺至秋芙蓉萬本秋容最盛今廢

萬花園 在縣東三里元鎮南王世子遊玩之所堂植萬花今爲冒氏塋

水繪園 文學冒一貫別業地富水竹入其中者如遊深林大壑

露香園 明福清令張勉學別業水木清秀頗擅林壑之勝

逸園 明會昌令冒夢齡所構也園在中禪寺之右市河蜿蜒其前古洗鉢池環帶于後境幽景曠甲于東臯

連珠池 在縣西北二十里數池相接如連珠宋元祐間嚴希孟遊樂于此有詩云小橋過南浦夾道桑榆綠水遶若連珠時有芰荷馥

度軍井 在縣西十里許泉淺而不竭汲且竭擊其欄泉輒溢出岳飛經略通泰領兵過此數千人飲之不竭因名曰度軍井元鎮南王聞其

異取欄置庭中擊之無驗隨送還至今人呼聖井欄

通州

靜海廢縣 在州治西其址爲民居尚有文杏大可數圍足稱喬木

海門廢縣 在州東南四十里城郭已沒於江其民居無力遷移者猶存

小學 在靜海舊治

沈公堤 在海門縣東北宋至和中沈興宗以

海漲病民築堤七十里西接范堤

任公堤 在州城西五里宋寶元中江濤爲患

通判任建中築長二十里高丈餘

布洲峽 在州治南四十里有東布洲西布洲

皆大江沙漲所成相傳有布機流沙上故名今

沒於江

海門島 在州東北海中宋時犯罪者多配於

此有屯兵使者領護後沒於海

寨堞 在州東元末大亂民各立一寨以自衛

故其名如此

露御夾 在呂四場宋高宗南渡經此問所至

何地左右僞對曰露御夾蓋諛辭也後人訛爲

鱸魚夾其地有七十二灣

戰壩 在東門地步灣西相傳明初與倭寇戰

勝於此

神人鞭迹 在狼山後其右爲香爐峯而仙女

山亦有鞭痕拇迹

天祚巖 五代時姚存艤舟處

放鶴田 在呂四場相傳呂洞賓四遊於此嘗放鶴故名

魚骨橋 在舊縣東北每閏歲東海出此魚乘潮而上鄉人取其二腮骨作橋長五尺餘經數百年未朽

貢院 宋淳熙中知州蔣雍建在今壯武營嘉定中遷於州西紫薇舊宅咸淳四年知州馮弼改建於郡之蔬圃

望江樓 明正德中知州夏邦謨建阻河作城

城上戍樓名曰望江

海山樓 在州治南城上宋大觀中知州朱彥

建樓三級扁海山遠眺樓前亭曰綠漪

三會堂 在州狼山東顧巨海南瞰長江吳楚

勝槩一覽可盡宋提刑薛球太守臧師顏通判

吳天常皆故人會此因名

棲雲閣 在狼山宋熙寧初建

萃景樓 在狼山明嘉靖戊戌同知舒纓建有

詩江閣玲瓏渺半空山雲無礙往來通輕陰不

斷四時雨虛夜常留萬木風白雪雅歌寒滿座
洞庭春酒碧浮筒誰憐莊鳥多懷土漫向樽前
學醉翁

陵墓附

本府 江都縣附郭

盤古塚 大觀圖經云在江都縣西四十里有
盤古廟其像披髮席地而坐

漢廣陵厲王塚 在東武鄉即今甘泉山按郡
志廣陵國厲王塚歲旱鳴鼓遶之輒致雲雨

江都王建塚 按幽明錄廣陵有塚相傳為漢

江都王建之墓

孔融墓 在高士坊側

三國張遼墓 在大儀鄉遼南伐歿于軍因留
葬此

齊褚澄墓 褚澄有遺書多言修養及醫藥事
刻石十八片以為槨上題有齊褚澄所歸後為
蕭廣所得遺命子淵復為槨用石一片刻敘其
上葬廣于廣陵城北三十五里陳源橋久之亦

被發書傳于世

隋煬帝墓 在府城西北十五里雷塘側隋大業十三年帝在江都為宇文化及所弒蕭后與宮人為小棺殯于西院後陳稜守江都求得帝柩略備儀衛改葬吳公臺下唐平河南之後復移葬雷塘齊王暕趙王杲燕王倓一時遇害俱葬雷塘莫知其處唐貞觀二十二年隋蕭后卒太宗詔復其位號使護送至江都與煬帝合葬玉鈎斜 在江都縣西一名宮人斜乃隋煬帝

葬宮人處唐竇鞏詩離宮路遠北原斜生死恩深不到家雲雨今歸何處去黃鸝飛上野棠花

陳光祿亞墓 在同軌鄉

唐尉遲恭墓 在永鎮鄉

陳貞晦先生融墓 在廣陵棠邑鄉唐呂溫嘗

為文以表其墓

宋夫人張氏墓 在絃歌里宋廣平先生之配

皇甫叅軍敬墓 唐羊士諤撰敬墓誌云以婺

州叅軍窆於江都之郊今莫究其地

宋綰墓 明萬曆間浚沙河其下得敗舟有墓
石志綰廣平人以唐太和二年暴卒于江都縣
會同坊私第次年殯于江陽縣絃歌坊之平原
里

王丞相璠墓 在江都官河東劉氏竹園東南
隅

淳于芬墓 在蜀岡之北

朱瑾墓 瑾在唐為兗州刺史朱溫攻之瑾奔
楊行密大破梁兵後以殺徐知訓滅族瑾名重

江淮人畏之其死也屍之廣陵北門路人私共
瘞之時多病瘧取其墳上土以水服之輒愈更
益新土增成高塚後改葬雷塘

宋呂侍讀文仲墓 在縣東十里

陳祕書良墓 在興寧鄉

聲隅先生墓 在揚子橋葬寓客黃晞

張樞密康國墓 在東興鄉

秦端明定墓 在西山秦家莊定高郵人觀諸

父也

孫龍圖覺墓 在善應鄉

王俊父墓 在善應鄉

陳忠肅瓘墓 瓘安置通州後移台州卒葬揚

州西山

秦九女塚 在城西北三十里俗呼九女澗即

此

胡夫人趙氏墓 在嘉陵鄉安定先生之配

叢塚 宋志紹興辛巳金人犯瓜洲歿於鋒鏑

踐蹂者遺骸暴露江次紹興三十二年知揚州

向子固令收葬之名曰叢塚後江水衝齧淳熙

二年知州呂企中命主簿收得骸骨三百六十

具遷瘞于旌忠廟側榜曰義塚命僧守之

鎮遠侯顧成墓 在官河東

定西侯墓 在金匱山

明太子太保南京戶部尚書高銓墓 在縣西

七里

兵部尚書王軌墓 在城西十五里

刑部左侍郎葉相墓 在郡北門外瀕河

南京光祿卿安金墓 在城西十里

曾襄愍銑墓 在縣西金匱山

宗母墓 在宜陵鎮南十二里東原芙蓉墅之
左膠州知州陳輔堯之女通書史有訓子元鼎
詩昔聞孟母教子三遷軻也感之終成大賢汝
今十歲倏忽童年少時不學長何可傳我父忠
烈汝祖賢臣同榜好學卓越羣倫汝須奮力繼
起後塵經書大全貴得其真我歸宦門依然貧
約不事羅紈甘於藜藿雖有南畝瘠土荒薄小

子勉之硯田耕鑿

鄭烈婦墓 在城南新河口

相國史可法墓 在梅花嶺養子直招魂葬衣

冠於此李沂詩汴水無情只向東荒原萬木起
悲風傳聞鐵騎墳前過下馬捫衣拜相公

儀真縣

周浣紗女墓 在縣西四十里雞畱山之南

五代楊行密塚 在縣西七十里吳楊溥僭號
追尊其父行密爲武皇帝墓號興陵

顏王墓 在縣北五里顏王村墓前有碑字畫磨滅世代莫考今為人盜發

宋沈待制墓 在縣西十五里龍圖閣待制沈洙及弟兵部侍郎湯皆葬此

孫司封錫墓 在縣西北四里蜀岡上
丘朝奉山高墓 在縣北八里

吳少宰敏墓 在縣北山

楊侍郎墓 在縣陳公塘戶部侍郎楊汲

王侍郎墓 禮部侍郎王琪

許待制墓 在甘露鄉蜀岡尚書工部郎中天

章閣待制許元葬此

柳耆卿墓 在縣西七里

諫議大夫王貫之墓 在揚子縣萬寧鄉

右領軍衛將軍王乙墓 在縣蜀岡後

屯田郎中劉牧墓 在縣蜀岡西

真州司法叅軍杜渙墓 在縣城北

海陵主簿許平墓 在縣北十五里

提點淮南刑獄丘嵩墓 在揚子二都

丘統制進墓 在揚子縣八都

朝議大夫石丕墓 在甘露鄉

朝議郎張汝賢墓 在陳公塘西

左班殿直袁康墓 康家世懷寧仕淮南發運

使十五年占籍揚子

征處士集墓 集事母至孝有子五人舉進士

者三人處士世居揚子與杜嬰徐仲堅相友善

杜以醫徐以筮多為賢士大夫所知而征君獨

不聞于世王安石為表其墓

杜氏墓 在花家山杜杞杜植祖塋在焉杞仕

廣西經略使植尚書郎

宣慰使珊竹介墓 在城西北

導江先生墓 元蜀儒導江張先生塋常講學

真州卒葬州北蜀岡

水丘先生墓 在北山壯觀亭西水丘善醫史

失其名

明貞婦郭氏墓 在西沙清水潭上宋景濂傳

略云婦名丑字道安六合人美姿容通詩書歸

同里鄭元元頗力學後強暴者欲侵凌之道安厲色斥去曰倘泄祇揚惡耳即潛沉于河時洪武十年七月也父彬取屍葬揚子西沙後夢其為長蘆水神云

兵部尚書單安仁墓 在舊江口

太子太保吏部尚書諡文通王永吉墓 在脚

躡寺諭葬

泰興縣

宋妃子墓 宋南渡有宮嬪從遷者卒葬於泰

興

孝子顧昕墓 宋人在黃橋故宅今為忠義祠

朝散郎潘及甫墓 在口岸鎮北之伏龍源

明李尚書儼墓 在城南姜溪河

張知府忠墓 在城東

中書舍人張城墓 在城東吳家堡

孝子張黼墓 在城西北二里

張布政羽墓 在城西北十里館旁

張侍郎聽墓 在東城外餉墅營

高郵州

唐開府儀同三司杜僧明墓 在臨澤鎮

宋龍圖閣學士孫正臣墓 在焦里村

喬竦墓 在臨澤鎮

陳安撫造墓 在新安西村又名華村

英烈夫人毛惜惜墓 在南門城內即夫人死

節處

趙萬戶墓 在清水潭

元太師巴刺墓 在城西三十里

明萬鈞墓 在城東焦里村鈞任荊州衛百戶

卒于官明洪武三十一年遣官諭祭

相公墓 不詳其名代或云明丞相汪廣洋墳

也其墓方三十餘畝在城西十五里毛塘港口

邵烈女墓 在小北門外河西湖濱與玩珠樓

相對今在碧霞行宮後

興化縣

周昭陽墓 在昭陽山下

樊將軍墓 在平望鋪西未詳何代人

明兵部尚書成璉墓 在畢家灣後遷于城南
少保大學士高文義穀墓 在平望鋪東之新
莊

宗才子墓 在縣城內

劉烈女墓 在縣治內

戶部右侍郎楊果墓 距縣二十五里

蓮花雙塚 在安仁鄉舊傳有姑嫂共刈稻姑
墮深溝中嫂急救之俱溺死二屍葬于溝旁忽
生蓮花數朶里人驚異啓棺視之蓮花皆從口

出人稱爲蓮花塚今雙塚尚存

寶應縣

漢袁術墓 在寶應縣治南三百步墓門有碑
鏤漢時衣冠人物甚工今碑不存

三國陳琳墓 在射陽村去縣治六十里

明冀京兆綺墓 在縣治東北五里淮壩水泚
墓堂圯毀巡按御史馬卿告諸吏曰令甲凡古
賢祠墓弗葺及弗禁樵蘇者有罰况國家勳勩
之臣爵登列卿者歟檄縣崇其封葺堂五楹列

石獸如制

仲節婦墓 在陳文墓西臨水仲旺妻鄭氏葬

此

泰州

漢董永墓 在泰州西溪鎮北一百四十步永

父亦有墓在焉

黃霸墓 在泰州

五代小兒塚 在州治東有墳數十南唐李昇

遷故吳楊氏子孫于海陵嗣用宋齊丘謀無男

女少長皆殺之葬于此後齊丘一小兒病有作

一詩書紙鳶上放入齊丘第內其詩云化家為

國實良圖總是先生畫計謨一個小兒拋不得

讓皇當日合如何

宋晏丞相殊墓 在州治東北一里許大寧阡

之原夫人康氏耐焉誌銘猶存

查丞相墓 在州治東北三十里查家莊橋西

有大士壟

胡安定墓 在州治東南一百五十里如臯安

定鄉胡家莊舊志云先生葬于烏程縣幼子志
正攜先生衣冠歸葬祖塋今烏程有先生墓及
祠堂

徐神翁墓 在州治東七里

周恪墓 在徐神翁墓之西與唐道人同域號

三仙墓

唐甘弼墓 在響林原

明吏部侍郎儲文懿巖墓 在州城西二里

工部右侍郎徐蕃墓 在州城北

林會元春墓 在馬店莊

王心齋良墓 在州治東安豐塲

如臯縣

三國呂司馬岱墓 在縣東南六十里

茅司徒墓 在縣西北一里有耕者見其藏懸

窆猶存因急掩之

宋王龍圖觀墓 在縣東三百步

胡節推墓 在縣南十里

史知縣搢墓 搢本北平三河人明洪武末知

縣事秩滿九年民復請留後卒於官貧不能歸
百姓負土營葬子孫遂為如臯人

平倭塚 在西溪場海道副使劉景韶勦倭築
為京觀

吳妃塚 疑為吳王楊渥妃也

通州

唐駱賓王墓 在東門黃泥口

宋金應墓 在州境文天祥記云應以筆札往
來吾門二十年性烈而知義去年從余勤王補

兩武資今春特授承信郎東南第六正將及余

使北轉三官授江南西路兵馬都監余之北行

也人情莫不觀望僚從皆散雖親僕亦逃去惟

應上下相隨更歷險難奔波數千里以為當然

蓋委身以從死生休戚俱為一人者至通州住

十餘日矣閏月五日忽伏枕命醫三四熱病增

劇至十一日午氣絕予哭之慟其殮也以隨身

衣服其棺如常翌日葬西門雪窖邊棺之上排

七小釘又以一小板片覆于七釘之上以為記

不敢求備者邊城無主恐貽身後之禍異時遇
便取其骨歸葬廬陵而後死者之目可閉也傷
哉傷哉爲賦二詩焚其墓前我爲吾君役而從
乃主行險夷寧異趣休戚與同情遇賊能無死
尋醫劇不生通州一丘土相望淚如傾明朝吾
渡海汝魄在他鄉六七年華短三千客路長招
魂情黯黯歸骨事茫茫有子應年長平生不汝
忘

查將軍墓

失其名在州西門外查家壩

明李尚書敬墓 在西門外倉南
夏孝子墓 在南門外轉水泓

